

四庫全書

集部

欽定四庫全書

堯峯文鈔卷四十九

翰林院編修汪琬撰

今體詩六

共一百二十七首

聞薦舉言志五首

兔園冊子在牀頭  
自分迂疎不足收  
董賈高文姑撥置  
可能詞賦類俳優

久忘箋傳語云何  
蠶譜農書記憶多  
腰了一鑣肩一笠  
只應赴箇力田科

曾學雕蟲苦未成  
讓渠班馬獨專名  
白頭願作邛夫子  
一卷蒙求聚後生

鄰穉謹闐野父驚  
爭傳軒騎枉柴荆  
此翁漸被時賢識  
悔不從前換姓名

紙窻竹屋栖遲穩  
締帳桃笙偃仰寬  
慙愧暮年真大黠  
不曾西笑為長安

軒中弄筆偶成

家近南垞與北垞  
比鄰鬱鬱徧桑麻  
不妨拾蕈充齋盍

未辨留錢付畫杈老柳已髡仍有柝小桃纔接尚無花  
邨人社鼓謹闐甚攬入閒身一笑詳

延客

延客上茅堂貧家治具忙瓦盆傾白墮土銚熟黃梁筍  
斲猫頭大尊撈雉尾長少留君勿恤風月足徜徉

過邨家小池

乘興不知遠悠然愜賞心試花桃尚小昂穗麥初深翠  
羽明如錦魚苗細似針本非枯槁客澤畔亦行吟

雨

急雨蕭蕭響竹筓  
濕雲漠漠暗窻紗  
天公不為酴醾地  
壞盡牆東一架花

雨中戲咏筓子蓋編榭葉為之者

滿邇風雨苦怱怱  
葉筓逢時也奏功  
何限豪門高蓋在  
山行輸與敗天公

姜學在餽蓴菜二首

偶然歸理舊紫荆  
未必風流要擅名  
但覺暮年差免俗

老饒也合吃尊羹

人世從來為口忙，惟須一食療飢腸。  
尊羹菰飯原無價，莫與微官共校量。

初晴小步

喜值晴光滿四山，從容屣步短籬間。  
受風勁竹如強項，熏日名花似破顏。  
泉欲赴溪頻曲折，鶯思選樹每回環。  
試馮石磴安茶具，徙倚何妨趁小閒。

病後示諸生是日初落一齒

齒豁頭童老病侵，可堪學術玷儒林。  
將迎但守山居約，動止嘗提座右箴。  
子方以數字箴座右恥以文詞矜後進，  
敢緣名利變初心。胸中一段蕭然處，自是難從簡策尋。

偕門人拉咸中聽響泉

紅糝青梢漸滿林，偶逢佳處便登臨。  
懶從東閣觀奇士，喜向南邨樂素心。  
怪石染成煙靄色，亂泉流出佩環音。  
垞中風物皆幽絕，始信山栖不厭深。

池上

予新得一池，灌山田，  
其上有樹五十株。

暖日和風處處妍，獨來池上聽潺湲。  
柳條細似千行線，蘋葉圓于半兩錢。  
邱壑固應酬雅尚，勳名終是欠前緣。  
袷衣紈扇麤相稱，且樂人間有盡年。

坐王咸中池上

主賓無語似相忘，淨拂蒼苔坐夕陽。  
乳燕飛飛蛙閣閣，楚萍謝絮滿池塘。

病起

撥皮屐子瘦匏冠，病起時時小倚闌。  
囊底神方惟斷慾



卷四十九  
局中上著是休官綠梢尚隱稀  
萼新笋纔抽嫋嫋竿  
春事已闌身漸老相煩兒女勸加餐

病中雜興二首

老去靈臺久泰然肯憂衰病日沉綿  
萬金良藥君知否  
一味加餐企脚眠

駭機半為功名發禍本都緣祿利生  
怪殺盲人乘瞎馬  
傍池猶作五更行

茗華書屋中睡起

栖身一几一藤牀  
睡足那知晝漏長  
硯潤溶溶儲賸瀟  
鑪溫細細嫋殘香  
驟謹鳩語先疑雨  
乍轉桐陰頓覺涼  
卜築任渠城市近  
安心已竟恰相忘

題書屋壁

囊收乞米帖  
紫列換鵝經  
病怪醫無驗  
窮疑鬼有靈  
舊遊真噩夢  
故友似殘星  
願以痴聾字  
書為座側銘

晚景

晚景頗艱辛  
誰憐白首人  
栽田思博飯  
髡柳欲儲薪  
字

補蘆簫密平墁土壁勻餘生如此了真箇作編民

自題小像二首

花氎淨巾常在手斑絲文褥穩栖身偶然寫箇跏趺影  
便似香山社裏人

已借幻泡觀衆法更將蕉槿喻殘身入山自是安衰朽  
非學巢由一輩人

懷堯峯時方閉戶城西

最好夕陽天支筇古岸邊微雲度歸鳥疎雨歇鳴蟬柳

港謹漁鼓菱塘聚鳴船病身思小適悔寄郭西偏

書歎

暮年貧病兩相妨追數平生黯自傷草率著書成老謬  
蒼黃忤俗坐清狂收身每愛蒲團穩適口惟思麥麩香  
家誠比來無別語但祈世世力耕桑

夜雨

病思真如退院僧況逢急雨打窻棧  
難香深撥螭頭鼎  
展卷頻挑雁足燈  
文字起衰甘未逮  
身名諧俗愧無能

結廬幸在郊原外社父園公是友朋

北上車中作

驢車躑躅夕陽間底事天公不放閒似惜此翁詩料減  
再教飽看魯諸山

病中二首

悔吝真難釋羈愁漸不支交情窮始驗學力病方知事  
業輸前輩文章負盛時堯山好山色只合老茆茨

索米良非願如何滯客鄉貧多賒酒券老乏染髭方

王侍

讀見贈有染却  
白髭頰之句

半朽憐枯樹微暄喜夕陽人情異鷗鳥

歎息未相忘

屢辱侍讀王先生以盧藏用种明逸常彝甫見

朝未敢用鄙句唐突又蒙賜口號四章語意

鄭重督和甚切勉遵無言不酬之義敬荅四

首以當解朝

江外重山接五湖十年何幸住潛夫詩翁但戀金門直

曾見漁洋樹色無

先生自號漁洋山人  
漁洋山在太湖中

芭譚相憶不勝情  
竟徹臯比奉檄行  
車服倘緣稽古力  
便須飛札報諸生

暫因移疾守柴扃  
曾是含香侍漢廷  
太史錯占天上象  
歲星元異少微星

明年春水引歸颿  
的合移家占一巖  
從此不稱前進士  
故人親授隱君銜

題喬舍人畫二首

彩雲隱隱瀑重重  
直是仙家第一峯  
畫史不須皴染盡

且留隙地著吳儂

試從卷裏望山椒，便覺吾家舊隱遙。  
鴨踏嶺頭春水好，

桃花深簇小船橋。

嶺與橋皆在堯峯

和王侍讀韻二首

雪殘猶偃卧，旅騎怯掀泥。  
夢憶湖山曲，春晴鳥亂啼。  
迸階芳草茁，壓屋野梅低。  
計日河水泮，還家曳短藜。

欲識堯峯好，邛居半堦泥。  
柘溪蠶子長，花暖郭公啼。  
小市漁人集，官橋酒旆低。  
所慙猶旅食，閒倚壁間藜。



雜憶二首

綠芷生芽柳弄絲黃鸝  
睨燕差池客遊始羨江南樂  
歎息哀翁見事遲

架犁布穀已爭鳴急買輕  
颿趁雨行記得清明須浸種  
莫教流落悞春耕

懷張隱君六子

故國風光早惟應旅客知  
野田挑菜日邨屋焙蠶時  
隱隱漁家鼓翻翻里社旗  
龐眉舊鄰叟徙倚倍相思

敲枕

旋放蘆簾整布裯先生敲枕息殘身  
室無侍婢猶嫌病  
厨有餐錢更苦貧  
寒甚賸賒燕市酒  
風來羞汙庾公塵  
故鄉節物殊堪憶  
箭茁槐芽又一新

阮亭先生賜讀洞庭游稿長句一章謹依韻奉  
答

似有毛公勝尚禽  
別開洞府待幽尋  
波深自足魚千石  
壤沃真堪畝一金  
倒景浮空山側畔  
紛紅駭綠樹中心

惜哉如許玄栖地未得招君杖策吟

駕幸湯泉十韻

律當無射候

嚴蹕向新豐菊映

鑿輿艷雲迎

輦路紅

天王停綵仗

文母駐離宮騎從皆羣駿追陪儼上公靈泉來滾滾佳

氣統葱葱源自丹砂發流將碧落通登臨紆

睿覽游豫愜

宸衷玉甃凝香霧紗窻障朔風陽回溫谷內春在繚垣  
中惟羨瑤池水能專浴日功

和阮亭口號次韻二首

溪山猶記昔年遊孽作王郎便面秋最好昭亭祠外景  
淡煙疎柳隱譙樓

偶馮團扇憶曾游絕似吳松一段秋試問夕陽紅樹裏

誰家青旆出高樓

閩部議命予以原官帶病修史二首

又作東華客窮愁每萬端酒如交態薄春似旅情闌  
力先朝史安心本分官桑榆元自暖無策返江干

鬢鬢塵侵面蕭蕭雪覆頭酒從王媪貰藥訪宋清求往  
事槐根夢餘生水面漚兒曹尚韶此骸骨倩誰收

睡足

頗怪家書斷仍虞旅病侵忍窮增學力揣分息機心土

銜凝塵滿柴門積蘚深  
午餘眠未足軒騎莫相尋

送田髯淵南歸

一幅輕颿趁好風  
恰如魚鳥脫鉤籠  
楊梅爛紫登盤美  
蓴菜微青上箸空  
學與衆殊差近  
樸詩無人愛始稱  
工  
渡江自有名山在  
莫為紬書羨史公

題畫三首

遙指山門一徑長  
丹楓烏柏點清霜  
風光絕似堯峯院  
輸汝相攜話夕陽

陰陰灌木野禽啼  
點綴樵邛與釣溪  
占盡畫圖君信否  
鈍翁家在此峯西

小桃著子柳飛花  
輕靄濛濛細雨斜  
慙愧此身非社燕  
今年春盡未還家

決策

久拋蝮鶴計全非  
眇眇吳昌匹練微  
鄉夢暫隨胡蝶化  
客心遙逐鷓鴣飛  
懶判衰病耽榮祿  
悔趁虛名踐駭機  
今日眉間有黃色  
料應決策掛朝衣

憶江氏園亭

君家卜築倚花溼風物佳時許叩扁石骨透煙通體綠  
松身卧蘚一邊青縱橫藥樹穿藤架破碎溪山上畫屏  
記得年前曾往返而今相憶鬢星星

病

高敞一枕掩雙扉柳未成絲草未肥獨有東風酸次骨  
攪先透入病夫衣

史館有感



病眼摩挲久不明暫拋史冊繞階行  
痴蠅爭暖栖難穩  
小柳舍風卧未成文字祇慙騰舊牘  
功名久分付來生  
此身已是蕭騷甚更聽春禽巧弄聲

和問亭韻送邵培風處士南歸二首

長河水盡浪生花千里那愁道路賒  
未到江南先稱意  
暖風輕送布帆斜

青梅綠李滿江津君到江南物色新  
市市旗亭開社釀  
邨邨土屋賽蠶神

病況

透檐殘雪穴窻風沈病潘愁逆旅中材拙敢期同舍恕  
過多須仗故人攻缺脣硯貯煙煤潤折脚鐺支楫拙紅  
此即暮年生計在肯揮雙淚為途窮

冬日憶堯峯作

莫泝迢迢接竹垞壞垣頽壁野人家輸芒湖蟹肥堪把  
縮水邛醕賤易賒膩白泉如初滴乳爛紅楓勝欲殘花  
羨伊鄰叟都無恙只守柴門領物華

病中三首

談遷彪固本相因玉局那堪賸病身  
回顧童烏僅三尺  
異時史彙付何人

屏當書籤檢藥囊  
儘判筋力拄風霜  
殘秋欲盡人猶卧  
不信蘭臺有病坊

鄉書遼絕客途窮  
身雜牛溲與馬通  
一笑形骸元土木  
任他流漂自西東

請告六首

筋力蹉跎肺氣衰膏肓豎子去還來行年自分無官祿  
馮仗東歸厭此灾

一輛柴車出

帝鄉著囊藥及是輕裝旁觀莫笑紫衣敝猶帶東華輓土香  
已辦輕帆展曉雲東來花信漸紛紛社前擬換江  
邨酒解得銀魚未可焚

面如槁葉髻如霜慙愧承明侍從行縱是

聖朝堪眷戀也應歸骨故山旁

春向垞南泝北生紅英紫萼漸縱橫  
馮誰約束司花女  
小待先生曳杖行

剗了柔桑種薄田好騎菴角日周旋  
槿籬深處柴門迤  
不要安車特地懸

十年前請告與梁曰緝先生唱和遮字韻詩凡  
數十首今日再次

去攜兒女管春華重漱流泉踏亂霞  
門外一行陶令樹  
籬邊全幅趙昌花青精黃獨堪為飯竹  
几蘆屏算是家

京洛輭塵飛不到不須扇角帽檐遮

書懷二首

急將野服換朝衫春水初生漾去颿猶自畏人重檢點  
盡焚史彙諱頭銜

又趣輕裝歸故里松風蘿月足逍遙行藏無與時賢事  
懶費心情解客嘲

得蘭兒家信作

自入春明又判年藥囊衣襪故依然病身寄跡如賓雁

稚子催歸學社鷓去國但求鋤菜地挂颿須趁養花天  
從今莫作官人看皓首龐眉是散仙

請告後作

河上冰融草復斑此身猶滯旅亭間藥無可染哀餘鬢  
酒不能回病後顏家業漸隨花並落客心先逐燕雙還  
雲泥分與諸賢隔喜有音書念閉關

留別四首

忽忽馬首欲南行勝喜尊前黍酒清此別斷無重見日

故應前燭話來生

小頓柴車大道旁  
離亭分手柳條長  
不知哀淚能多少  
猶為交情洒數行

去鋤花藥補籬籬  
此段風流自一奇  
鴨踏嶺前差可老  
免教人誦北山移

春明門外柳花香  
故舊臨分黯共傷  
從此雲泥相契闊  
敢將嵇阮附山王

違俗



闌入少年場功名黯自傷  
病身垂翅鶴拙宦觸藩羊  
史筆尊遷固玄言愛老莊  
半生違俗好安可點班行

連遇大風舟行甚遲戲為二絕

塵沙漠漠不逢春  
祇覺狂飈攪水濱  
風伯也如時態薄  
百端阻抑去官人

怊惆篙師色似灰  
數重雪浪競謹厖  
老夫別有驚心處  
新自風波宦海回

阻風

絕無春事慰衰翁  
竟日攣環小艇中  
鏗鞳噌吰千折水  
飛揚跋扈五更風  
黃埃空起迷平岸  
綠鴨驚呼擾半空  
歷盡畏途今至此  
始知摧折坐天窮

兀坐

兼旬兀坐守船扉  
風物蕭條樂事稀  
隨病淺深頻議樂  
量時暄冷輒更衣  
瓶花計日愁將落  
沙草迎風覺易肥  
未審兒曹相念否  
餘醪開盡決成歸

題蘆鴨圖

卷四十九  
耿耿寒流接遠天  
荻花翻雪水凝煙  
竹弓絲罽真難到  
借與沙禽自在眠

世路敲嶇不易行  
每身經處輒心驚  
的應輸與滄江鴨  
慣狎風波了一生

以榆錢和麩蒸食之

黍飯齏湯故有緣  
先生捫腹每悠然  
旋收榆筴成清供  
下箸何殊食萬錢

張敦復前輩言汪苕文此行固善矣恨其不肯

從陸不及歸賞牡丹耳予聞之失笑今日穀  
雨正牡丹盛開時也以水酒滯舟清源感賦

二首

小艇搖搖未肯前野桃著子柳拖綿為耽煙水濃如畫

慙却花期又一年

洛陽人每稱牡丹  
為花見歐陽公譜

故里春光到鬪茶尚隨鳧鴨宿晴沙也知骨相殊酸薄

無福能看富貴花

清源

孤艇清源上經旬擊綠楊鴨浮貪淺水燕語狎危檣  
淖  
驚扶衰疾渾酷潤渴腸滯留君莫歎猶校一官強

小住

幸承尺一返農桑重理桃栽葺柳塘仕宦不曾諳小草  
文章何必做長楊鳴機白紵如雲薄出甌黃杭勝密香  
相見莫詢京洛事為君小住話江鄉

絕句四首

羣賢濟濟曳革裾潤色斯文已有餘身是腐儒才思拙

只堪歸校兔園書

九原精爽儼千秋  
肯逐黃埃白草休  
何事時賢苦相撼  
枉拋心力作虬螭

馬班未敢比春秋  
聊取前聞次第修  
歎息後來嚴筆削  
直將書法接尼邱

學術文章兩未工  
三年噩夢苦怱怱  
還鄉但逐雞豚社  
勝入征文死友中

堯峯二首

遙憶堯峯麓溪山匝故居層林唬戴勝淺瀨聚王餘煙  
繞墟中綠風來水面徐時因行飯出初不要藍輿

淥淨蜻蛉浦紫紆躑躅岡釣菴編短箬梵舍隱叢篁遇  
蔭恒停杖逢邛暫乞漿峯前舊游地敲枕亦難忘

食齋二首兩岸此菜甚多土人不知采也

攜籃挑取雪中芽未著鹽醃味已嘉說與諸僮都不信  
故教徧地發鱖花

晚齋青青含甲媿蚤菘白白簇科長江湖不少魚羹飯

未抵山蔬出釜香

旅宦

旅宦睽兒女窮愁滯歲時  
衰來顏暗覺毀甚骨先知  
詞賦枚臯拙功名李廣奇  
昨非今未是惟悔去官遲

春晚

不覺春又晚猶依孤棹行  
河流半清濁天氣雜陰晴  
吹水游魚樂迎風乳燕輕  
淮南眇何處千里暮煙平

迂疏



黍飯蔥湯養此生悠然猶發嘯歌聲極知老大迂疏甚  
恰要兒曹著眼驚

兩岸無桃李因采蒲蘭及豆花入小瓶作供戲

賦此詩

一春寂莫動愁顏絕欠名花任意攀小草怱怱也承乏  
得登書几硯屏間

泊早湖口其地多警

鷓鴣拍拍繞斜陽蘆荻翻翻渚淑旁祇喜病身辭北闕

宵憂豪客出南塘雲連漲水微茫白風攪飛埃慘淡黃  
賴有鱖魚菘菜美一尊風味似江鄉

將抵家三首

一別雲山已有年舊游重到輒淒然霜顛雪領歸來客  
自是陳人不是仙

幾多朝士擅文雄誰復留情記此翁老大去官君勿訝  
時賢方重黑頭公

知識相逢話舊餘數行清淚落衣裾不須惜我頭銜小

已被虛名暗折除

又絕句二首

豆似瓊珠最覺珍  
含桃爛熟又嘗新  
暮年纔識歸來味  
縱欠尊鱸亦可人

製得吳中釣具全  
一聲欸乃向江天  
鏡湖底要君王賜  
是處煙波好放船

微香閣

棲居仙所好  
吾亦暫游行  
木落全湖現  
天寒衆壑清  
亂

雲隨地湧老樹與檐平深愧黃冠叟幽栖了一生

湖中二首

湖光似鏡映斜暉紫蓼黃蘆拂釣磯寄語羣鷗須識我  
莫隨花鴨背船飛

西山景物近如何放取輕舟一葉過乍覺霜風寒割面  
白魚黃雀繞灣多

次岑公韻游林屋

正值吳江又落楓來尋仙穴與君同長松磔硤凝肪白

藥草離披結實紅路出漁梁樵隴上人行怪石壽藤中  
猶嫌洞府幽深極未許時流步傑通

過平嶺見原田流水甚可愛

疑是武陵天人家十數椽危橋跨清壑細路入平田鳥  
影藏紅樹雞聲出翠煙此中堪大隱何必羨游仙

石公山道中

一徑入平岡邨居迤邐長天寒菘圃綠歲旱橋田荒石  
骨棱棱古茶花澹澹香經行皆畫本收采滿奚囊

西山漁父詞四首

澹日輕煙漾綠漪  
鱖魚吹浪尚遲遲  
阿儂要放蜻蛉艇  
直待風斜雨細時

魚價今年逐漸強  
偶因換酒到山鄉  
筇省箇箇盛魚滿

一寸銀刀論斗量

吳人謂  
賤為強

生長湖中上岸稀  
疋船只在蓼花磯  
鷓鴣灘鶴都相熟  
長傍船頭自在飛

雨過雲頭日日陰  
石颿脚下水痕深  
全家習慣風波了

不怕湖邨使陸沉

次韻寓李恪臣包山書屋

舊有毛公占盡春  
岳栖今復見幽人  
拓開泉石俱成畫  
邀取湖山並作鄰  
釀黍時時篤玉醴  
搗橙細細膾銀鱗  
客來況值佳風月  
不覺淹留便及旬

追述

得尋洞府亦前因  
追述游時不厭頻  
丹穴乳泉皆異境  
黃甘陸吉是幽人  
穿林翠羽形容麗  
出網銀刀氣味珍

除是修然塵外客更誰解問五湖津

西山觀梅二首

處處梅花映雪明  
筍輿竹杖恣經行  
天公似會游人意  
貸與斜陽半日晴

漸覺林間有落英  
山僧導我歷柴荆  
丁寧莫問山深淺  
但揀梅花多處行

嚴氏傳硯齋二首

迨迨先澤冠東吳  
太守詒謀近亦無  
絕勝風流王內史



祇書小卷付官奴

室有牙籤映縹緗  
庭前書帶數叢長  
封胡羯末今如許  
未怕年來硯沼荒

堯峯文鈔卷四十九

欽定四庫全書

堯峯文鈔卷五十

翰林院編修汪琬撰

今體詩七

共一百十八首

吳公紳同周覲侯移庖過堯峯山莊覲侯有詩

因次韻二首同集者張六子王咸中及公紳

次子于石也

枳籬茆舍也生春今雨欣逢客到頻徑有茶梅初放艷  
盤登鮭菜幸嘗新喚晴小鳥爭穿樹趁暖羣蜂欲撲人

多少筍興兼畫舫除君誰慰病餘身

喜君載酒遠尋春徑造無煩叩戶頻詰曲樊垣麤勝舊  
青蒼杞菊恰含新疏花橫榦疑妨路駟鳥梳翎似狎人  
何日耦耕敦夙諾歲寒都作老農身

題天台訪道圖二首

絕壁危梁似畫圖此中有路達仙都地黃不托胡麻飯  
能向山家少住無

自離洞府入塵寰丹竈全拋茵露間若見諸真馮寄語

鈍翁久謫頗思還

杏花

煙雨迷濛古岸斜  
淡紅淺白繚邙家  
緋桃未放緗梅落  
占斷風流是此花

和說巖先生見寄絕句次韻六首

白版雙扉畫亦扁  
姓名羞入長官廳  
只拈舊日陽秋筆  
箋徧田家耒耜經

鬻石燒金別受方  
采芝蒸朮更堪嘗  
馮渠算盡周髀數

惟有歸田一策長

交誼元非白首新偶緣身厭輒紅塵才疏未是嵇康比  
何忍將書絕故人

拈取幽栖說與君鳥窠蟻穴與平分不愁歲儉饑寒甚  
紉了溪荷餌澗雲

細草茸茸繞席門堯峯一曲敢言尊農書大有奇文在  
要與鄰翁細討論

平生亦解羨瀛洲歲晚其如倦宦游縱使此身真老健

不堪筆削也宜休

和施愚山見寄去歲贈別口號次韻四首

歸來空學地行仙分向深山了暮年  
獨羨君為香案吏至今身在玉皇前

頷雪髭霜倍覺明燒丹種玉苦難成  
此身已是無家了只荷劉郎一鋪行

飛泉曲折下平沙來往時時有釣槎  
從此殷勤屬流水莫教浮出洞中花

虎阜西南鶴嶺東幽栖不與市塵通  
飛花語鳥頻相續  
常似人間二月中

寄阮亭先生三首

徵聘諸賢滿廟廊才名真擅漢京長  
鄒枚賈董如麻葦  
未數區區白髮郎

史筆何時到獲麟不妨收取不貲身故人知我  
吾能記  
許向江湖作外臣

鶴瘦龍鍾絕可憐擬求靈藥養餘年  
棄官亦是尋常事

直比巢由恐未然

堯峯懷覲侯

角中蒲扇草堂中未覺炎蒸惱病翁  
高柳陰陰欹遠翠疎花寂寂裊長紅  
松間漸吐嬋娟月蘋末遙生荇苒風  
試說似君君愛否幾時清賞兩人同

過江氏小山書屋

秋色淡融融聊行小徑中  
畫闌饒曲折文石擅玲瓏  
叢桂多年綠盆魚一色紅  
游從都似舊欠了鹿牀翁

俞無  
珠自



牀  
號鹿

和諸君子題元龍城東新居圖絕句次韻二首  
平田一曲恰當門  
蝦浦牛闌野趣存  
但得素心晨夕共  
不妨呼作小南邨

竹門松徑接煙蘿  
剝啄由來好事多  
花月中間頻得句  
不知誰與作羊何

贈沈丈二絕句

與君連袂舊情親  
今日俱存歲暮身  
幸得溪山相近住

杏花邨裏話朱陳

別開蓬徑繞巖阿未有羊求共嘯歌  
準擬與君成二老  
不論時節數來過

舟過虎邱

載酒出花溼秋光似畫屏  
破煙雙白鷺點水一蜻蛉  
漁鼓謹孤店菱船下淺汀  
雲巖看漸近佛塔已亭亭

堯峯山莊招公紳覲侯

別久能懷舊老蒼提攜藥笈與詩囊  
枳杷黃後忙塵甌減

叢桂丹時興最長水面呬呀乘曉月門前剝啄趁秋涼  
莫嫌野叟貧厨薄翦韭烹鮮好共嘗

咏蠅

跼覺金風透袷衣紛紛落葉擁荆扉青蠅能得多時活  
猶逐斜陽暖處飛

經營

又值春將盡深山換物華花殘纔割蜜雨過旋收茶浸  
種出陳穀繅絲修故車謀生忙未了真作老農家

又題

莫信身無事經營詎有涯  
醫花針蝨穴壅樹掬蠶沙  
短竹扶籬密修筒引水賒  
甫秧畦菊竟乘雨復鉏瓜

汎溪

今日佳風日沿溪任短槎  
綠沉籠岸樹黃豔繞灣花  
魚婢吹微浪鳧翁立淺沙  
前村猶里許隱隱犬聲詳

過吳氏南垞草堂

飯餘屣步出於此每盤桓  
高下數株石周遭卍字闌  
廣

除分美陰圓沼引清湍笋嫵茶香熟差令老抱寬

示覲侯三絕句

城東大道接城西三日秋霖是處泥何似山莊清絕地  
陰陰喬木畫眉啼

此身未覺老蹉跎醉向燈前每放歌新製荷衣耐涼冷  
今宵添得酒痕多

纈林翠靄繚邨東一箇茆齋菴畫中君若不嫌雞黍儉  
未須分手太匆匆

過東山王墨池

輕舟來自巨區東石隴莊前偶爾逢等是暮年君較可  
老夫顏狀更龍鍾

仰天窩

別尋幽徑繞禪關晚靄蒼茫未擬還身在畫圖屏障上  
項容松石董源山

檢視小園慶應了因作

料理家園畝許寬青衫團扇據牀看餘花隱隱藏深葉

小蝶翻翻度曲闌  
加糝箭萌含娛綠  
蘸鹽梅子雜微酸  
窮居自是饒情味  
未要樽罍佐一歡

留客

短椽疎牖接修廊  
剝啄聲稀清晝長  
馮仗幽人寓碁簞  
與儂飽享竹間涼

荅友人出山之問

不嫌野父便交歡  
諱說頭銜是史官  
車為久懸羞再駕  
冠宜長挂怕重彈  
叢祠散社分餘肉  
僧盞逢齋寄一餐

此段風流那易得肯馳險阻涉波瀾

贈西山李翁柱元

曾陪杖屨兩經旬知好樓居斷俗塵  
邀取石公為老伴勾連洞府作比鄰  
釘盤多摘黃金實入饌惟烹澹墨鱗  
丹曰樂鑪俱好在的應已證地仙身

贈橫金沈文景之

老去知君久息機  
肯將踪跡狎塵躡  
隱囊碁局風流在  
布襪青鞵逸興飛  
啄黍黃雞雙蹠美  
輸芒紫蟹巨螯肥



一尊從此堪相對況有籬英采未稀

月下演東坡語二首

自入秋來景物新拖筇放脚任天真江山風月無常主  
但是閒人即主人

隱隱清規吐遠山酒鎗茗椀頗相關人間何處無風月  
欠箇閒人似我閒

甲子冬十月紀事語五首

遙望

龍顏漸儼然  
鷓頭繡織綵  
祥烟不愁日  
與長安遠  
此地  
重瞻尺五

天

右與坊院諸臣恭迎

御舟於澣墅關

咫尺

天威大道帝最慙  
哀病失趨踰誰知  
分外承

恩顧不忘

先朝執戟郎

右

御舟前泊蒙

徧詢諸臣姓名獨不及臣琬琬因自通蒙

諭曰曉得

早潦蝨螟政苦頻窮檐無復見京困

至尊特地

清問是處吳儂頌

聖仁

右蒙

俯詢吳中秋成臣琬謹對曰今歲歉收夏大水秋不

雨

雲漢

宸章迴不同小臣拜

賜草堂中山南父老驚相語夜有

榮光上燭空

右蒙

御書之

賜詳具閣記中

竹屋茆檐寄此身  
門依村曲對嶙峋  
白雲深處青山下  
僥倖

君恩作散人

右白雲深處云云即

御書中首句也

雪後邀曉師同往蒼隴二首

凍雲深雪壓檐明  
乾鵲飛來忽報晴  
縫取衲頭修屐子  
與君準備探春行

殘雪初當見  
現時筍輿穿  
歷自遲遲  
先生不惜衝寒出  
如此風流也大奇

題葛震甫畫三首

五字清新久絕倫  
如何竹石又通神  
湖州儋耳風流在  
五百年中有後身

微芳冉冉借光風  
花萼叢生杞棘中  
怪得幽人寫空谷  
只緣臭味與渠同

竹君挺秀敲高岸  
蘭友滋芳被野田  
倉卒寫真俱酷似  
此髣風味亦修然

春日偶成二首

機心雖易泯  
習氣頗難除  
戒殺仍捫虱  
防淫尚愛書  
開籠放松鼠  
洗鉢薦梭魚  
每作兒嬉事  
悠然樂有餘

幽栖如送旅  
病骨是癯儒  
漢玉瑀書鎮  
官窑作唾壺  
食

常需本草倦即倚團蒲猶幸公租了門前欠吏呼

秦園

怪怪奇奇石疎疎密密花暗泉穿澗落曲徑向橋斜拊  
檻文魚出開簾語燕諱芳春經雨露草木亦光華

邱南留宋既庭

疎簾畫檻淨無塵徙倚何妨雜主賓煙起忽迷山半角  
木凋遙露塔全身苞黃小剖離離實腴白旋批細細鱗  
風味正佳君少住暮年一倍惜芳辰



邱南漫興二首

家依水石繞煙蘿願得終年守澗阿取友久嫌知己罕  
拊書深覺會心多江河滾滾殊難挽歲月堂堂每易過  
戶外繁華堪羨否且收方藥養微疴

淺築圍牆短插笆山南水北鈍翁家竹高已茁纖纖笋  
菊晚猶留豔豔花連屋圖書成倚閣過門畫舫任喧譁  
老來活計無多在只爇蠻香煮苑茶

偶書

磊砢盆中樹陂陀硯角山時時摩倦眼小小破愁顏生  
計真聊且虛名亦等閒茶甘飯仍軟此事最相關

遣興

居止三間屋游行五尺屐脚緣衰後蹇骨向毀中銷與  
客評詩草從僧辨藥苗餘年真有幾隱矣莫相招

與諸生飲

今夕是何夕追歡仗爾曹清談粗可喜文飲尚能豪共  
剥菱三角分持蟹兩螯寧須觥錄事勸醉撥檀槽

初寒

垣許長節覆窻將敗帟粘壺觴隨意進衣絮量時添風  
急頻搖幔香殘尚裊奩行藏吾自了太卜不須占

老病

時有盜警

老病頗難持蕭蕭風雨時酒無旁舍餉羶有小偷窺借  
暖爐中焰支愁枕上詩門前楓柳樹一夜不禁哀

飲酒二首

色似鵝黃自釀春綠鳧斑鱖更鮮新不妨痛飲踰三日

便是風流一輩人

何限知交共夜分  
最宜持酒細論文  
從來只得三蕉葉  
罵坐虛名嚇殺君

初秋作

袂衣初換扇初收  
病體欣逢歲令秋  
山罩薄煙加窈窕  
柳含輕露尚風流  
繞簷小燕將言別  
抱葉殘蟬似訴愁  
從此衰翁真快意  
急呼艇子備行游

行樂

毳衲深溫竹杖堅  
鉞翁行藥屋西偏  
受霜楓葉非前日  
遇漲溪痕過去年  
寂寂僧房寒靄裏  
亭亭佛塔夕陽邊  
鄰翁相見問無恙  
似羨風流近謫仙

吟興

吟興殊不愜  
聊扶病體行  
天寒饑雀鬧  
歲盡祭豬鳴  
淺白憐梅小  
濃陰喜竹成  
朔風方釀雪  
未望臘前晴

閉戶

春來閉戶寂寥中  
偃仰從無俗客通  
一派鳥聲如水調

幾番花信是溪風  
徧延蒼蘚階痕綠  
久瘞丹砂井脈紅  
得喪萬端俱不問  
鈍翁畧與塞翁同

贈林吉人

聽話閨中事  
溪山宛目前  
雨過扞蠟樹  
潮至種煙田  
絳荔蒸炎日  
紅蕉映雪天  
何當攜手去  
選勝結茆椽

梅花二首

時寓城中

不問南枝與北枝  
橫斜疎影透茆茨  
山翁要探花開信  
先報籃輿竹杖知

槩几雲屏衛病骸  
懶扶游屐步蒼苔  
年前豫與園丁約  
直待細梅放後來

倚杖

倚杖斜陽外  
炎蒸頓覺醒  
草頭跳蚱蜢  
水面點蜻蛉  
雨過柳猶潤  
雲歸山更青  
忻無襜褕客  
蓬戶不須扃

東周覲侯索橘二首

離離佳實統庭除  
知爾新諳種樹書  
不得經霜三百顆  
枉教渴死病相如

無物能怡病後情  
經年高卧守柴荆  
如聞陸吉親投謁  
一笑猶堪倒屣迎

聽松堂三首

歲寒猶自著青蔥  
校取羣芳迥不同  
但值微風傳遠響  
何妨寫入頌琴中

青蒼鱗甲最森森  
搖動薰風弄夕陰  
賴得主人常抱膝  
與渠對作卧龍吟

多少岡松接墓田  
何時攜我一攀緣  
期君共揀修枝上



結箇雲巢學地仙

贈喬石林三首

千古文章自有真，波瀾如此不無神。  
老夫今夜掀髯笑，垂死纔能見替人。

杯闌燭跋月將中，細與論文興不窮。  
從此兒曹爭企脚，瓣香遙指射波東。

輕薄為文哂未休，典刑何意近韓歐。  
縱饒前輩風流在，也放斯人出一頭。

題侯大年畫冊二首

翩然拂袞別交知，歸趁清陰翠靄時。  
回首長安應拊手，笑他鳩集鳳皇池。

桐花竹翠迥無塵，位置琴書絕可人。  
他日輕颿定相訪，惱君燒筍煮溪鱗。

獨坐題齋壁二首

黃鸝紫燕報殘春，芍藥酴醲各鬪新。  
喚起少年京洛夢，一簾花氣最撩人。

五色戎葵明似錦重臺丹若爛如霞柴門無人日卓午  
惟有蜂聲喧落花

對食戲作二首

細校囊貲欠萬錢終朝素食亦欣然已防拗折葫蘆項  
仍戒裂殘環餅緣

玉延粉可溲飪飪槐葉湯堪潑冷淘晚食只須如此足  
免將口腹累兒曹

示林吉人顧有典

脚疾春來校行游頗不難  
花繁蜂釀熟風暖燕泥乾  
嫩草形如繖  
芳茶味勝蘭  
諸君知愛否  
為我小盤桓

與林吉人沈漢亭出游

意行若箇衛衰翁  
短杖全勝五尺童  
鵲語乍喧微霽色  
柳條微動覺和風  
沄沄水自鞞  
紋縐澹澹山如眉  
媼工馮仗丹青最高手  
拈來并入畫圖中

贈相士

唐許遺言果否真  
贈君新訣始通神  
相逢莫話鳶肩好

何必封侯定此人

看花二首

徧覓桃栽與柳栽主人慙媿鬢毛衰  
情知不得多年翫且要花前笑口開

筍臙芹羹味最甜瓦盆頻放濁醪添  
醉顛也要裝風景亂插繅花壓帽檐

讀筠廊偶筆

知君誠作者游戲集毫端糖蟹誠堪賦  
甘蔗亦可彈解

頭多異論寓日得奇觀  
好述輔軒志他時佐史官

自題小像五首

恥與時賢角異同  
暮年聊爾隱牆東  
中朝故舊消磨盡  
留得癡頑是此翁

只工掃地與焚香  
做空齋意味長  
膝下兩男雖解事  
斷無一箇得翁狂

人情穴底爭羶蟻  
交道燈前撲燄蛾  
莫怪杜門常謝客  
老來更事比君多

架上故書常廢讀  
牀頭濁釀亦慵嘗  
欲知此老不凡處  
飽享梧窻午蔭涼

餘生修短都安命  
有子賢愚亦去心  
卜塚治棺今並了  
何妨與俗暫浮沉

送方外吳枚臣北上

布囊羞澀毳裘寒  
苦雨盲風道路難  
長柄葫蘆誰識得  
未須攜種入長安

能將道術炫人無  
愛曳長裾走帝都  
持訣只持襪斗訣

製符先製避兵符

乞花場雜咏六首

藥裏方書信手拈  
比來貧病兩相兼  
入春十日春寒甚  
開徧茶梅不捲簾

石子岡頭扇惠風  
乞花場上午天融  
靡蕪綠遍棠梨謝  
春在鳴鳩穀穀中

麥錫杏粥已登盤  
小雨迷濛濕藥欄  
縫得夾衫元未著  
陰陰楊柳弄春寒



紙屏新潔竹牀清  
企脚科頭聽曉鶯  
幸甚款門無俗客  
山翁不擬著靴迎

柴門雖設鎮常闕  
久滯繩牀藥鼎間  
剩喜今朝有奇事  
鈍翁曳杖過前山

紅橋朱塔夾谿山  
小立斜陽未擬還  
等是暮年開七袞  
時流應讓此翁閒

予病不設飲屢辱有典丙文漢亭見顧相對竟

日惟豆羹菜飯而已戲作一首

夫子何為者家依西郭西好花無數發幽鳥不多啼  
茶具童能設棋奩手自攜諸君共清坐未羨醉如泥

題齋居壁

一任人間輾轉忙先生晨夕守丹房芋魁黃獨俱珍饌  
漆葉青粘亦祕方隱几只期心寂靜杜門粗覺日舒長  
讀書博筮都非是優劣何煩細校量

與客談有感二首

黨部聲名久屬虛雨雲翻覆太紛如幸然不入平津閣

賴有江都老仲舒

人心幻似都盧伎世路危於黠黠灘  
曾次從來天樣闊  
任他非意巧相干

題張子成九汎月樓三首

山繚頽垣水遶門朦朦初月照黃昏  
松風不起行人定  
唯有鐘聲度范邨

樵歌隱隱下青蒼又聽漁榔出夕陽  
一段紅蕖明似錦  
隔花驚起兩鴛鴦

煙靄蒼蒼漸入無參差喬木接平蕪如何倩得闕荆筆  
寫箇橫峯遠浦圖

秋日寓歎

輕雲閣雨不成絲澹澹斜陽隱半規蕪綠柳黃極柏赤  
秋光恰到盡頭時

秋日雜賦三首

衰容羸骨況經秋歎息年華不少留拒客故應捐塵尾  
挾書猶可辨蠅頭萎黃敗葉填荒徑淺碧踈花蔓小邱

桃竹杖堅駝褐暖不妨行藥下層樓

一秋花月最清妍曲徑修廊別有天  
小說胡牀來月下畧攜蠻榼到花前  
畏人久作驚弓雁避俗今同翳葉蟬  
女嫁男昏吾事了只將邱壑餞華顛


未疾逢寒小覺蘇出門猶要倩人扶  
林端木落山容瘳天半雲歸塔影孤  
對語小鳩穿密翳羣飛賓雁上虛無

嬰姍勃窣君休笑擬為黃花過酒壚

間諸店菊  
花方盛

刪校堯峯詩文鈔了有感

紛紛輕薄共沉淪力障狂流仗一身舉世豈容無定論  
異時方解憶斯人文章自可讓餘子學術要須趨大醇  
燈火青熒人跡絕夜窻獨與聖賢親



堯峯文鈔卷五十